

**ააიპ "საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის"
სათემო რადიომაუწყებლობის №B182 ლიცენზიის ააიპ "საქართველოს საპატრიარქოს რადიო ივერიისთვის"
გადაცემაზე თანხმობის მიცემის შესახებ**

საქართველოს კომუნიკაციების ეროვნული კომისია (შემდგომში „კომისია“) აღნიშნავს, რომ 2016 წლის 16 სექტემბერს კომისიას ერთობლივი განცხადებით (კომისიაში რეგისტრაციის №შ-7/9787-16) მიმართეს ააიპ "საქართველოს საპატრიარქოს წმიდა ანდრია პირველწოდებულის სახელობის ქართულმა უნივერსიტეტმა" (საიდენტიფიკაციო ნომერი: 205233022) და ააიპ "საქართველოს საპატრიარქოს რადიო ივერიამ" (საიდენტიფიკაციო ნომერი: 404511337) სათემო რადიომაუწყებლობის №B182 ლიცენზიის ააიპ "საქართველოს საპატრიარქოს რადიო ივერიისთვის" გადაცემის მიზნით, კომისიისგან წინასწარი თანხმობის მიღების მოთხოვნით.

კომისია აღნიშნავს, რომ „მაუწყებლობის შესახებ“ საქართველოს კანონის 48¹-ე მუხლის შესაბამისად, ლიცენზიის სხვა პირისათვის გადაცემა შესაძლებელია, მხოლოდ კომისიის წინასწარი თანხმობით. „ლიცენზიებისა და ნებართვების შესახებ“ საქართველოს კანონის მე-3 მუხლის პ) ქვეპუნქტის შესაბამისად, ლიცენზიის მფლობელი არის პირი, რომელსაც ადმინისტრაციული აქტის საფუძველზე მინიჭებული აქვს უფლება, განახორციელოს ლიცენზიით განსაზღვრული საქმიანობა, ისარგებლოს რესურსით, ან სხვა ლიცენზიის მფლობელის მიერ გადაცემული აქვს ლიცენზირებადი საქმიანობის განხორციელების უფლება.

„მაუწყებლობის შესახებ“ საქართველოს კანონის 37-ე მუხლის მე-2 პუნქტის და 37¹-ე მუხლის პირველი პუნქტის გ) ქვეპუნქტის შესაბამისად, მაუწყებლობის სფეროში ლიცენზიის მფლობელი/ავტორიზებული პირი ან მისი ბენეფიციარი მესაკუთრე არ შეიძლება იყოს:

- ა) ადმინისტრაციული ორგანო;
- ბ) ადმინისტრაციული ორგანოს თანამდებობის პირი, სხვა საჯარო მოხელე;
- გ) ადმინისტრაციულ ორგანოსთან ურთიერთდამოკიდებულების მქონე იურიდიული პირი;
- დ) პოლიტიკური პარტია, პოლიტიკური პარტიის თანამდებობის პირი;
- ე) ოფშორულ ზონაში რეგისტრირებული იურიდიული პირი;
- ვ) იურიდიული პირი, რომლის წილს ან აქციებს პირდაპირ ან ირიბად ფლობს ოფშორულ ზონაში რეგისტრირებული პირი.

ამავე კანონის 37-ე მუხლის მე-3 პუნქტის შესაბამისად ლიცენზიის მფლობელი/ავტორიზებული პირი აგრეთვე არ შეიძლება იყოს პირი, რომლის ბენეფიციარი მესაკუთრე არის სხვა სახელმწიფოს ამ მუხლის მე-2 პუნქტის „ა“, „ბ“ ან „გ“ ქვეპუნქტით განსაზღვრული პირი/ორგანო, გარდა საქართველოს საერთაშორისო ხელშეკრულებით გათვალისწინებული შემთხვევისა.

კომისია აღნიშნავს, რომ ააიპ "საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტი" ფლობს სათემო მაუწყებლობის №B182 ლიცენზიას, კომისიის 2016 წლის 4 მარტის №140/1 გადაწყვეტილებით განსაზღვრული შემდეგი სალიცენზიო პირობებით:

- ა) ლიცენზიის სახე: რადიომაუწყებლობა;
- ბ) ლიცენზიის სახეობა: სათემო მაუწყებლობა;
- გ) მაუწყებლობის ენა: ქართული, რუსული;
- დ) ლიცენზიის მოქმედების ვადა: 2026 წლის 4 მარტამდე;
- ე) მაუწყებლობის გავრცელების გეოგრაფიული ზონა: გადამცემი სადგურის ტექნიკური პარამეტრების შესაბამისი მომსახურების სახმელეთო ტერიტორია, რომელიც პირობითად შემოსაზღვრულია ამ ტერიტორიაზე განთავსებული სადგურის მიერ შექმნილი სამაუწყებლო დონის სიგნალის ზღვრული მინიმალური მნიშვნელობის მქონე წერტილთა ერთობლიობის მომვლებით;
- ვ) მაუწყებლობის გავრცელების ტექნოლოგია და ტექნიკური პარამეტრები:

გადამცემის და ანტენის განთავსების ადგილი	სიხშირე (მჰც)	მოდულია ცია	პოლარიზაცია V / H	გასხივება	გადამცემის სიმძლავრე (ვტ)	გეოგრაფიული კოორდინატები	ანტენის დაკიდების სიმაღლე მიწის ზედაპირიდან (მ)	ანტენის გამლიერების კოეფიციენტი (დბ)
--	---------------	-------------	-------------------	-----------	---------------------------	--------------------------	---	--------------------------------------

თბილისი	105.5	FM	V	წრიული	1000	41°41'44.70"N 44°47'6.40"E	200	8
ახალციხე	107.7	FM	V	წრიული	100	41°37'48.40"N 42°57'25.40"E	30	8
ახმეტა	93.3	FM	V	წრიული	100	42° 1'58.00"N 45° 9'33.99"E	25	4
გორი	105.4	FM	V	წრიული	100	42° 1'57.10"N 44° 2'50.80"E	60	4
ზუგდიდი	105.4	FM	V	წრიული	100	42°30'7.80"N 41°53'8.80"E	30	4
ლენტეხი	105.4	FM	V	წრიული	100	42°46'28.45"N 42°45'40.57"E	15	4
მესტია	105.4	FM	V	წრიული	100	43° 1'21.84"N 42°45'21.40"E	15	4
სენაკი	88.1	FM	V	წრიული	100	42°17'23.15"N 42° 3'27.98"E	20	4
ტყიბული	90.4	FM	V	წრიული	100	42°22'27.22"N 43° 2'20.15"E	35	4
ფოთი	104.7	FM	V	წრიული	100	42° 8'23.80"N 41°40'39.30"E	25	4
ქუთაისი	87.9	FM	V	წრიული	100	42°16'48.18"N 42°44'11.20"E	50	4
სტეფანწმინდა	105.4	FM	V	წრიული	100	42°39'24.29"N 44°39'10.13"E	20	4
ყვარელი	94.5	FM	V	წრიული	100	41°54'23.04"N 45°49'41.92"E	25	4
წალკა	105.3	FM	V	წრიული	100	41°38'5.80"N 44°14'18.50"E	20	4
ხულო	105.4	FM	V	წრიული	100	41°38'23.80"N 42°20'34.39"E	30	4
ბათუმი	105.4	FM	V	წრიული	1000	41°41'37.56"N 41°42'54.99"E	30	4
დედოფლისწყარო	94.3	FM	V	წრიული	1000	41°28'0.91"N 46° 8'10.62"E	40	8

ზემოაღნიშნული გადამცემი სადგურის განთავსება შესაძლებელია მითითებული კოორდინატის მიმართ 500მ რადიუსის ფარგლებში, ზღვის დონიდან გადამცემი ანტენის დაკიდების სიმაღლის შენარჩუნებით (ცდომილება±5მ).

კომისია აღნიშნავს, რომ მეწარმეთა და არასამეწარმეო (არაკომერციული) იურიდიული პირების ამონაწერიდან, წესდებიდან და კომისიაში წარმოდგენილი შესაბამისობის დეკლარაციიდან ირკვევა, რომ ააიპ "საქართველოს საპატრიარქოს რადიო ივერიის" დირექტორი არის საქართველოს მოქალაქე კონსტანტინე ლევიშვილი (პ/ნ 01001010281), ხოლო 100%-იანი წილის მფლობელია სსიპ „საქართველოს საპატრიარქო“ (ს/კ 204395537).

კომისია ასევე აღნიშნავს, რომ საქართველოს ზოგადი ადმინისტრაციული კოდექსის მე-2 მუხლის პირველი პუნქტის ა) ქვეპუნქტის თანახმად ადმინისტრაციული ორგანო არის ყველა სახელმწიფო ან ადგილობრივი თვითმმართველობის ორგანო ან დაწესებულება, საჯარო სამართლის იურიდიული პირი (გარდა პოლიტიკური და რელიგიური გაერთიანებებისა), აგრეთვე ნებისმიერი სხვა პირი, რომელიც საქართველოს კანონმდებლობის საფუძველზე ასრულებს საჯარო სამართლებრივ უფლებამოსილებებს.

კომისიაში წარმოდგენილი შესაბამისობის დეკლარაციით კონსტანტინე ლევიშვილი ადასტურებს, რომ ააიპ "საქართველოს საპატრიარქოს რადიო ივერია" ან/და მისი ბენეფიციარი მესაკუთრეები არ წარმოადგენენ: საქართველოს ან სხვა სახელმწიფოს ადმინისტრაციულ ორგანოს, ადმინისტრაციული ორგანოს თანამდებობის პირს, სხვა საჯარო მოხელეს, ადმინისტრაციულ ორგანოსთან ურთიერთდამოკიდებულების მქონე იურიდიულ პირს. საქართველოს ან სხვა სახელმწიფოს პოლიტიკურ პარტიას, პოლიტიკური პარტიის თანამდებობის პირს; ოფშორულ ზონაში რეგისტრირებულ იურიდიულ პირს; იურიდიულ პირს, რომლის წილს ან აქციებს პირდაპირ ან ირიბად ფლობს ოფშორულ ზონაში რეგისტრირებული პირი.

"მაუწყებლობის შესახებ" საქართველოს კანონის მე-60 მუხლის შესაბამისად, პირს უფლება აქვს დამოუკიდებლად ან მასთან ურთიერთდამოკიდებულების მქონე პირთან ერთად თითო მომსახურების ზონაში ფლობდეს არა უმეტეს 1 საერთო საეთერო სატელევიზიო არხს და 1 საერთო საეთერო რადიოარხს.

კომისია აღნიშნავს, რომ ადმინისტრაციული წარმოების პროცესში კომისიის აპარატის მაუწყებლობის რეგულირების დეპარტამენტის მიერ შემოწმებულ იქნა ააიპ "საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის" მიერ მის მფლობელობაში არსებული სათემო რადიომაუწყებლობის №B182 ლიცენზიის ააიპ "საქართველოს საპატრიარქოს რადიო ივერიისთვის" გადაცემასთან დაკავშირებით მხარეების განზრახვის შესაბამისობა „მაუწყებლობის შესახებ“ საქართველოს კანონის 37-ე და მე-60 მუხლებით განსაზღვრულ მოთხოვნებთან. კომისიის აპარატის მაუწყებლობის რეგულირების დეპარტამენტის დასკვნის შესაბამისად (№შ-10/10361-16, 28.09.16წ.), ააიპ "საქართველოს საპატრიარქოს რადიო ივერია" ისევე როგორც მისი ბენეფიციარი მესაკუთრეები არ წარმოადგენენ „მაუწყებლობის შესახებ“ საქართველოს კანონის 37-ე მუხლის მე-2 პუნქტით განსაზღვრულ პირებს, რომლებსაც ეკრძალებათ მაუწყებლობის სფეროში ლიცენზიის ფლობა. ასევე ლიცენზიის გადაცემის შემთხვევაში არ დაირღვევა "მაუწყებლობის შესახებ" საქართველოს კანონის მე-60 მუხლით გათვალისწინებული მოთხოვნა მაუწყებლის საკუთრების კონცენტრაციის აკრძალვასთან დაკავშირებით.

კომისია ასევე აღნიშნავს, რომ კომისიის უწყებრივი სალიცენზიო რეესტრის მონაცემების შესაბამისად დგინდება, აფილირება ააიპ "საქართველოს საპატრიარქოს რადიო ივერიასა" და შპს „საქართველოს საპატრიარქო ტელევიზია ერთსულოვნებას“ შორის, კერძოდ ორივე კომპანიის დამფუძნებელია სსიპ „საქართველოს საპატრიარქო“. ფიზიკური პირის კონსტანტინე ლევიშვილის აფილირება ლიცენზიის ან ავტორიზაციის მფლობელ სხვა კომპანიებთან არ დგინდება. კომისიის უწყებრივი რეესტრის მონაცემებით შპს „საქართველოს საპატრიარქო ტელევიზია ერთსულოვნება“ ფლობს სპეციალიზებული (შემცენებითი) ტელემაუწყებლობის ავტორიზაციას (ავტორიზაციის №BR-817, 08.04.2013). შესაბამისად, ააიპ "საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის" მიერ მის მფლობელობაში არსებული სათემო რადიომაუწყებლობის №B182 ლიცენზიის ააიპ "საქართველოს საპატრიარქოს რადიო ივერიისთვის" გადაცემის შემთხვევაში არ დაირღვევა „მაუწყებლობის შესახებ“ საქართველოს კანონის მე-60 მუხლით გათვალისწინებული მოთხოვნა მაუწყებლის საკუთრების კონცენტრაციის აკრძალვასთან დაკავშირებით.

კომისია აღნიშნავს, რომ კომისიის აპარატის ადმინისტრაციული დეპარტამენტის მიერ გადამოწმდა ასევე კონსტანტინე ლევიშვილის მონაცემები საჯაროდ ხელმისაწვდომ თანამდებობის პირთა ქონებრივი დეკლარაციების ვებ-გვერდზე www.declaration.gov.ge. და მოქალაქეთა პოლიტიკური გაერთიანებების (პარტიების) რეესტრის ვებ-გვერდზე www.napr.gov.ge. გადამოწმების შედეგად ზემოაღნიშნული ფიზიკური პირის მონაცემები მითითებულ ვებ-გვერდებზე არ იძებნება.

კომისია აღნიშნავს, რომ 2016 წლის 6 ოქტომბერს გამართულ კომისიის სხდომას ესწრებოდნენ ააიპ "საქართველოს საპატრიარქოს რადიო ივერიის" და ააიპ "საქართველოს საპატრიარქოს წმიდა ანდრია

პირველწოდებულის სახელობის ქართული უნივერსიტეტის" უფლებამოსილი წარმომადგენლები კონსტანტინე ლეკიშვილი და თამაზ ვაჩაძე.

კომისია ასევე აღნიშნავს, რომ ააიპ "საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის" მიერ მის მფლობელობაში არსებული სათემო რადიომაუწყებლობის №B182 ლიცენზიის ააიპ "საქართველოს საპატრიარქოს რადიო ივერიისთვის" გადაცემის შემთხვევაში ზემოაღნიშნული ლიცენზიით გათვალისწინებული სალიცენზიო პირობები და ვალდებულებები უცვლელი სახით გადავა ლიცენზიის ახალ მფლობელზე.

ზემოაღნიშნულიდან გამომდინარე, კომისიას მიაჩნია, რომ არ არსებობს ააიპ "საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის" მიერ მის მფლობელობაში არსებული სათემო რადიომაუწყებლობის №B182 ლიცენზიის ააიპ "საქართველოს საპატრიარქოს რადიო ივერიისთვის" გადაცემაზე წინასწარი თანხმობის მიცემის დამაბრკოლებელი გარემოება გათვალისწინებული „მაუწყებლობის შესახებ“ საქართველოს კანონით და შესაბამისად, შესაძლებელია კომისიამ ააიპ "საქართველოს საპატრიარქოს წმიდა ანდრია პირველწოდებულის სახელობის ქართულ უნივერსიტეტს" მისცეს წინასწარი თანხმობა, მისი კუთვნილი სათემო მაუწყებლობის №B182 ლიცენზიის გადაცემაზე.

ყოველივე ზემოაღნიშნულის გათვალისწინებით, კომისიამ „მაუწყებლობის შესახებ“ საქართველოს კანონის 37-ე მუხლის, 48¹-ე და მე-60 მუხლებიდან გამომდინარე, კენჭისყრის შედეგად, ერთხმად

გ ა დ ა წ ყ ვ ი ტ ა :

1. მიეცეს თანხმობა ააიპ "საქართველოს საპატრიარქოს წმიდა ანდრია პირველწოდებულის სახელობის ქართულ უნივერსიტეტს" მის მფლობელობაში არსებული სათემო რადიომაუწყებლობის №B182 ლიცენზიის ააიპ "საქართველოს საპატრიარქოს რადიო ივერიისთვის" გადაცემაზე;
2. უზრუნველყოს ააიპ "საქართველოს საპატრიარქოს რადიო ივერიამ" სათემო რადიომაუწყებლობის №B182 ლიცენზიის საკუთრებაში მიღებიდან 5 სამუშაო დღის ვადაში, ლიცენზიის საკუთრებაში მიღების შესახებ ინფორმაციის, შესაბამისი დოკუმენტაციის ასლებისა და შესაბამისობის დეკლარაციის კომისიისთვის მიწოდება;
3. განემარტოს ააიპ "საქართველოს საპატრიარქოს რადიო ივერიას", რომ ააიპ "საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის" მიერ მის მფლობელობაში არსებული სათემო რადიომაუწყებლობის №B182 ლიცენზიის ააიპ "საქართველოს საპატრიარქოს რადიო ივერიისთვის" გადაცემის შემთხვევაში ზემოაღნიშნული ლიცენზიით გათვალისწინებული სალიცენზიო პირობები და ვალდებულებები უცვლელი სახით გადავა ლიცენზიის ახალ მფლობელზე.
4. დაევალოს კომისიის აპარატის ადმინისტრაციულ და მაუწყებლობის რეგულირების დეპარტამენტებს რომ ააიპ "საქართველოს საპატრიარქოს რადიო ივერიის" მიერ სათემო რადიომაუწყებლობის №B182 ლიცენზიის საკუთრებაში მიღების შესახებ ინფორმაციის, შესაბამისი დოკუმენტების ასლებისა და შესაბამისობის დეკლარაციის კომისიაში წარმოდგენის შემდგომ:
 - ა) სათანადო მონაცემების კომისიის სალიცენზიო რეესტრში შეტანა (ნ. ლორთქიფანიძე);
 - ბ) სალიცენზიო მოწმობის გაცემის უზრუნველყოფა (ნ. ლორთქიფანიძე);
 - გ) ლიცენზიის გადაცემის თაობაზე ინფორმაციის „საქართველოს საკანონმდებლო მაცნეში“ გაგზავნის უზრუნველყოფა (მ. ქადეიშვილი);
 - დ) შესაბამისობის დეკლარაციის კომისიის ვებ-გვერდზე ატვირთვის უზრუნველყოფა (ი. მახარაძე);
5. დაევალოს კომისიის აპარატის ადმინისტრაციულ დეპარტამენტს აღნიშნული გადაწყვეტილების დამოწმებული ასლის ააიპ "საქართველოს საპატრიარქოს წმიდა ანდრია პირველწოდებულის სახელობის ქართულ უნივერსიტეტისთვის" და ააიპ "საქართველოს საპატრიარქოს რადიო ივერიისთვის" გაგზავნა (ნ. ჯავახიძე);
6. გადაწყვეტილება ძალაში შევიდეს კომისიის ოფიციალურ ვებ-გვერდზე (www.gncc.ge) გამოქვეყნებისთანავე;
7. გადაწყვეტილება შეიძლება გასაჩივრდეს ქ.თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ.თბილისი, დავით აღმაშენებლის ხეივანი მე-12 კმ., №6) ერთი თვის ვადაში;
8. კონტროლი აღნიშნული გადაწყვეტილების შესრულებაზე დაევალოს კომისიის აპარატის ადმინისტრაციულ დეპარტამენტს (ი.ხარებავა).

კომისიის თავმჯდომარე

კომისიის წევრი

კომისიის წევრი

ვახტანგ აბაშიძე

ელისო ასანიძე

გიორგი ფრუიძე